

Viðmiðunarverð er reiknað á viðskiptagengi krónu gagnvart sterlingspundi (£ 1 = 211.27).

Sjávarútvegsráðuneytið, 21. nóvember 1973.

F. h. r.

Jón L. Arnalds.

Gylfi Þórðarson.

REGLUGERÐ

**um breyting á reglugerð nr. 130 17. september 1956,
um vinnumiðlun.**

1. gr.

1. málsgrein 2. greinar orðist þannig:

Vinnumiðlun skal starfrækt í öllum sveitarfélögum landsins. Sveitarstjórn annast vinnumiðlunina en henni er heimilt, ef hentara þykir, að fela bæjarstjóra, sveitarstjóra, oddvita eða sérstökum manni öðrum framkvæmd hennar. Heimilt er sveitarfélögum, sem hafa sameiginlegan vinnumarkað, að semja um rekstur einnar vinnumiðlunar, sem annist öll störf vinnumiðlunar á svæðinu.

Reglugerð þessi, sem sett er samkvæmt heimild í 1. gr. laga nr. 52 9. apríl 1956, um vinnumiðlun, staðfestist hér með til að öðlast gildi þegar í stað og birtist til eftirbreytni öllum þeim, sem hlut eiga að máli.

Félagsmálaráðuneytið, 22. nóvember 1973.

Björn Jónsson.

Jón S. Ólafsson.

AUGLÝSING

um umferð í Reykjavík.

Samkvæmt heimild í 65. gr. laga nr. 40 frá 23. apríl 1968 hefur eftirfarandi verið ákveðið:

1. Allur akstur verður bannaður í Austurstræti á milli Lækjargötu og Pósthússtrætis. Akstur með vörur að verslunum þar verður þó leyfður á virkum dögum kl. 07.00 til 11.00, á laugardögum þó aðeins frá kl. 07.00 til 09.00. Á sömu tímum verður einnig heimilaður akstur bifreiða með merki fatlaðra.
2. Vonarstræti verður aðalbraut, þó þannig, að umferð um Vonarstræti viki fyrir umferð um Lækjargötu og Suðurgötu.
3. Einstefnuakstur verður á eftirtöldum götum:
 - a) Á Skólalbrú frá Lækjargötu að Pósthússtræti.

- b) Á Kirkjustræti frá Pósthússtræti að Aðalstræti.
 c) Á neðsta hluta Túngötu frá Aðalstræti að Suðurgötu. Strætisvögnum verður þó heimilaður akstur á móti einstefnunni frá Suðurgötu að Aðalstræti.
4. Bifreiðastöður verða bannaðar í Vonarstræti beggja vegna götunnar.
 5. Gjald fyrir stöður á bifreiðastæðinu að Austurstræti 2 verða 20.00 kr. fyrir hverjar byrjaðar 30 mínútur. Stöðutími verður ekki takmarkaður.
 6. Stöðumælar verða settir upp á bifreiðastæðið á Austurstræti 1. Gjald verður 5.00 kr. fyrir hverjar byrjaðar 15 mínútur, en hámarksstöðutími verður 30 mínútur.
 7. Hámarksstöðutími við stöðumæla á Kirkjutorgi verður 1 klukkustund. Gjald verður óbreytt, 5.00 krónur fyrir hverjar byrjaðar 30 mínútur.

Framangreindar reglur taka gildi 2. desember 1973 og falla þá jafnframt úr gildi bráðabirgðaákvæði um umferð í miðborginni, samkvæmt auglýsingu dagsettri 15. október 1973.

Lögreglustjórnin í Reykjavík, 27. nóvember 1973.

Sigurjón Sigurðsson.

REGLUGERÐ

fyrir Vatnsveitu Grímseyjarhrepps.

1. gr.

Vatnsveita Grímseyjarhrepps er eign hreppsins og rekin af honum í þeim tilgangi að fullnægja vatnspörf heimila, svo og fyrirtækja og annarra, eftir því sem aðstæður leyfa.

2. gr.

Vatnsveita Grímseyjarhrepps er sjálfstætt fyrirtæki í rekstri Grímseyjarhrepps, með sérstöku reikningshaldi. Reikningar Vatnsveitunnar skulu jafnan fylgja hreppsreikningunum til endurskoðunar og samþykktar.

3. gr.

Hreppsnefnd Grímseyjarhrepps hefur æðsta vald í málefnum vatnsveitunnar, en í umboði hennar annast oddviti, eða hver sá, sem hreppsnefnd ræður til þess, daglega umsjón, rekstur og framkvæmd starfa, er vatnsveituna varða.

4. gr.

Vatnsveitan hefur einkarétt til reksturs vatnsveitu, sölu og dreifingar á vatni í hreppnum. Svo og til nýtingar alls vatns á eyggi.

5. gr.

Vatnsveita Grímseyjarhrepps lætur leggja aðalæð um eyngi endilanga, svo og að hafnarsvæði. Með þessu eiga húseigendur greiðan aðgang að aðalæðinni, enda séu hús ekki reist án samþykkis byggingarnefndar.

Frá aðalæðum skulu húseigendur leggja heimæðar á sinn kostnað.